

**Tallimangornermi ulloq 6. juni 2008 suliame nr. 01.31.06/08-00338 Aningaasaqarnermut Ataatsimiititaliap aalajangiinera pillugu Aningaasaqarnermut Ataatsimiititaliamit Naalakkersuisunut ilisimatitsissut.** ( Ulloq 30. maj 2008-mi imm. 2b pillugu Naalakkersuisut ataatsimiinnerat)

**Kotomut pingaarnermut 83.30.13 Nuna tamakkerlugu paaqqinniffiit, aningaasaliissutissatut immikkoortinneqarsimasut atugassanngortinneqarnissaat**

**Naalakkersuisut inassutigaat,**

kontomi pingaarnermi 80.00.00 Sanaartornermut atugassat agguanneqanngitsut, aningaasaliissutit 2008-mi 4.350.000 koruuninik ikilisinneqassasut.

kontomi pingaarnermi 83.30.13 Nuna tamakkerlugu paaqqinniffiit, aningaasaliissutit 4.350.000 koruuninik amerlineqassasut, agguarlugit suliassamut nr. 070.40.041 Innarluutilinnut immikkoortortaq, Maniitsoq, 1.850.000 koruuninik aningaasaliissutitalerlugu, suliassamut nr. 080.40.042 Uillut, Sisimiut, 1.500.000 koruuninik aningaasaliissutitalerlugu aamma suliassamut nr. 080.40.043 Pilutaq, Sisimiut, 1.000.000 koruuninik aningaasaliissutitalerlugu.

kontomi pingaarnermi 80.00.00 Sanaartornermut atugassat agguanneqanngitsut, aningaasaliissutit 2009-mi 2,45 mio. koruuninik ikilisinneqassasut.

kontomi pingaarnermi 83.30.13 Nuna tamakkerlugu paaqqinniffiit, aningaasaliissutit suliassami nr. 070.40.041 Innarluutilinnut immikkoortortaq, Maniitsoq 2,45 mio. koruuninik amerlineqassasut.

**Aningaasaqarnermut Ataatsimiititaliap oqaaseqaatai**

Isumaginninnermut tunngasuni suliniutit arlallit aallartinneqarnissaat siunertaralugu kontomi pingaarnermi 83.30.13-imi sanaartornermut sillimmatit ilaasa atugassanngortinneqarnissaat suliame matumani pineqartumi Naalakkersuisut kissaatigaat.

Paasissutissiissutigineqartut malillugit ilaatigut Sisimiuni paaqqinnittarfiup *Uillut*utoqqarnut puigukkernermik nappaateqartunut tallimanut angerlarsimaffinngorlugu allanngortinneqarnissaa Naalakkersuisut kissaatigaat. Tassunga atatillugu makku paasissutissiissutigineqarnissaat ataatsimiititaliamit kissaatigineqarpoq:

Illu taanna tusilartut siusinnerusukkat angerlarsimaffigaat? Taamaappat paaqqinnittarfiup aqqa kukkusumik nalunaarneqarsimavoq, tamannalu ingerlaannaq iluarsineqartariaqarluni.

Tusilartut angerlarsimaffigisimasaat inunnut tallimaannarnut sulisunullu atugassaappat illorujussuusorinarpoq. Illu paaqqutarisassanut aamma allanut naleqqussarniarneqarpa, aammalu ineqartussanut tallimanut kvadratmeterit qanoq annertutigisut immikkoortinniarneqarpat?

Suliniut kotomut pingaarnermut 83.30.13-imut, Nuna tamakkerlugu paaqqinniffinnut tunngasumut ilanngunneqarsimammat Aningaasaqarnermut Ataatsimiititaliap naatsorsuutigisariaqarpaa paaqqinniffik najugaqartussanut nunatsinnit tamaneersunut atorniarneqalersaartoq. Utoqqaat puigukkernermik nappaateqartut angerlarsimaffimmik avataani inissianut naleqqussaanaissaq paaqqutarinninnermi isumagisariakkatigut isiginnittaaseq aallaavigalugu tulluurtuua?

**Aningaasaqarnermut Ataatsimiititaliap aalajangiinera**

Siuliani taaneqartut paasillugit Naalakkersuisunit inassuteqaatit Aningaasaqarnermut Ataatsimiititaliamit **akuersissutigineqarput**. Junip qaammataani ataatsimiititaliap ileqqusumik kingullermik ataatsimiinnissaa sioqqullugu kingusinnerpaamik ullut arfinillit ingerlaneranni Naalakkersuisut akissuteqaataat kalaallisut danskisullu elektroniskiusumik nuutillugit uunga nassiuteqquneqarput

nch@gh.gl

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua